

Broj: 04-05-147/2010
Travnik, 24. 11. 2010. godine

Ministarstvo pravosuđa i uprave Srednjobosanskog kantona, sa sjedištem u Travniku, u predmetu upisa u Registar udruženja: KINOLOŠKI KLUB „BISERI PLIVE“ na osnovu člana 29. stava 1. Zakona o udruženjima i fondacijama («Sl. novine Federacije Bosne i Hercegovine», broj 45/02), a u vezi s članom 207. stavom 2. Zakona o upravnom postupku («Službene novine Federacije Bosne i Hercegovine», broj: 2/98 i 48/99), donosi

RJEŠENJE

1) Upisuje se u Registar udruženja, koji vodi Ministarstvo pravosuđa i uprave Srednjobosanskog kantona, udruženje: KINOLOŠKI KLUB „BISERI PLIVE“, sa sjedištem u Jajcu, ul. Berte Kućare br. 14.

Upis je obavljen pod registarskim brojem 98 u knjizi 05, dana 24. 11. 2010. godine, kada je udruženje steklo svojstvo pravnog lica.

Skraćeni naziv Udruženja je: K.K. „BISERI PLIVE“

2) Ciljevi i zadaci udruženja su:

- Kontrola uzgoja svih rasa pasa u Klubu,
- podsticanje naučnih istraživanja u oblasti kinologije,
- popularizacija FCI priznatih pasmina pasa,
- pomaganje i stručno osposobljavanje članova Kluba,
- saradnja sa organizacijama i pojedincima zainteresiranim za ove i druge pasmine,
- organiziranje uzgojnih smotri i specijalki svih FCI priznatih pasa, CAC, CACIB i drugih izložbi,
- vođenje evidencije što podrazumijeva:
 - a) vođenje kartoteke plemenjaka skraćenog KP,
 - b) vođenje kartoteke pasa sa zabranom za uzgoj – skraćeno PZU,
- izdavanje biltena Kluba i otvaranje i održavanje klupske web stranice, u skladu sa Zakonom,
- registrovanje novih primjeraka pasmine tornjaka i barak,
- pružanje svih kinoloških usluga članovima Kluba vlasnicima rasnih pasa,
- razvijanje svih oblika i vidova kinologije i rad na popularizaciji svih rasnih pasmina pasa,
- razvijanje kinologije u skladu sa Statutom FCI.

3) KINOLOŠKI KLUB „BISERI PLIVE“, sa sjedištem u Jajcu, djelovat će na području Srednjobosanskog kantona.

4) Udruženje je dužno ovom ministarstvu prijaviti promjenu statuta, naziva, sjedišta, djelatnosti, lica ovlaštenih za predstavljanje i zastupanje, članova organa upravljanja,



pripajanje, razdvajanje ili transformaciju i prestanak rada udruženja, u roku od 30 dana od dana obavljene promjene.

Udruženje je dužno izjaviti prijavu o udruživanju u saveze, međunarodna udruženja i druge oblike udruživanja.

5) Lice ovlašteno za predstavljanje i zastupanje udruženja je:

- ĆOSIĆ ALIJA, predsjednik Kluba.

Obrazloženje

KINOLOŠKI KLUB „BISERI PLIVE“, sa sjedištem u Jajcu, koje zastupa predsjednik Kluba Ćosić Alija, podnijelo je 2. 11. 2010. godine Ministarstvu pravosuđa i uprave Srednjobosanskog kantona, zahtjev za upis KINOLOŠKOG KLUBA „BISERI PLIVE“, u Registar udruženja koji se vodi kod ovoga ministarstva.

Uz zahtjev za upis dostavljena je dokumentacija propisana članom 28. Zakona o udruženjima i fondacijama („Službene novine Federacije Bosne i Hercegovine“, broj 45/02).

U provedenom postupku za upis u Registar udruženja, utvrđeno je sljedeće:

- KINOLOŠKI KLUB „BISERI PLIVE“, osnovano je Odlukom o osnivanju od 30. 10. 2010. godine;
- 2. 11. 2010. godine udruženje je podnijelo zahtjev za upis u Registar udruženja;
- Statut udruženja urađen je u skladu s članom 14. Zakona o udruženjima i fondacijama („Službene novine Federacije Bosne i Hercegovine“, broj 45/02);
- dostavljena je Odluka o licima ovlaštenim za predstavljanje i zastupanje od 30. 10. 2010. godine;
- dostavljene su kopije ličnih karata osnivača;
- udruženje će ostvarivati ciljeve i zadatke navedene u dispozitivu ovog rješenja.

S obzirom da su ispunjeni svi zakonski uvjeti za upis u Registar udruženja KINOLOŠKI KLUB „BISERI PLIVE“, Ministarstvo pravosuđa i uprave Srednjobosanskog kantona donijelo je Rješenje kao u dispozitivu.

Protiv ovog rješenja nije dopuštena žalba, ali se može pokrenuti upravni spor kod nadležnog Kantonalnog suda u roku od 30 dana od dana prijema Rješenja. Tužba se predaje neposredno ili šalje poštom, a može se podnijeti i na zapisnik kod Kantonalnog suda u Novom Travniku ili kod drugog suda u roku od 30 dana od dana dostavljanja ovog Rješenja.

Naknada na ovo rješenje naplaćena je prema tački I. Rješenja o visini naknada za upis udruženja u Registar udruženja („Službene novine Srednjobosanskog kantona“, broj 4/2010), u iznosu od 100,00 KM, u korist računa 3380002210020912, vrsta prihoda 722 631, poziv na broj 0141000000, budžetska organizacija 1301001.

Dostaviti:

- imenovanom
- Ministarstvu šumarstva, poljoprivrede i vodoprivrede
- Federalnom ministarstvu pravde
- zbirka isprava
- a/a

